



258

Reykjavík 7.11. '84.

Kæru konur.

Er nú ekki ráð að bregða undir sig betri fætinum og mæta á næsta félagsfund sem haldinn verður hér í Kvennahúsinu laugardaginn 17. nóv.

kl. 15. Fyrir þeim fundi liggja ýmis mál:

- 1) Tillaga um breytt fyrirkomulag vakta á skrifstofu Kvennaframboðs.
- 2) Rætt um hugsanlegar aðgerðir í dagvistarmálum.
- 3) Umræða um afstöðu okkar til samvinnu við aðra flokka í borgarstjórn.
- 4) Er áhugi fyrir sameiginlegum umræðum Kvennaframboðs og Kvennalistar um hugmyndafræði hreyfinganna?
- 5) Kynning á nýjum hópum: a) hópur sem ætlar að setja saman bækling um Kvennaframboðið b) Útbreiðslu- og áróðurshópur fyrir VERU.
- 6) Önnur mál.

Það verður fleira skemmtilegt í Kvennahúsinu þennan laugardag því kl. 13 mæta til skrafs aðstandendur leiksýningarnar "Beisk tár Petru von Kant" sem Alþýðuleikhúsið sýnir nú á Kjarvalsstöðum. Auðvitað er skemmtilegra að hafa séð sýninguna áður og þess vegna stefnum við að hópferð á hana mánudaginn 12. nóv. kl. 20³⁰. Við tökum frá fyrir ykkur miða hér í Kvennahúsinu í síma 21500.

Opið hús og gestakomur verður fastur liður í starfsemi hússins í vetur. Dagskráin fram að jólum verður sem hér segir:

10. nóv. Grasalækningsar. Asta Erlingsdóttir grasalæknir.
17. " Úmræður um "Beisk tár Petru von Kant".
24. " Kvenrithöfundar.
1. des. Konur og þriðji heimurinn. Hólmfríður Garðarsdóttir.
8. " Húmor kvenna. Soffíá Birgisdóttir.

A síðasta félagsfundi var kosið í nýja framkvæmdanefnd en þar sitja nú Sólrún Gísladóttir, Sigurrós Erlingsdóttir, Brynhildur Flóvenz, Guðny Gerður Gunnarsdóttir, Kristín Olafsdóttir og Gerla starfsmaður. I húshóp voru kosnar Guðrún Jónsdóttir og Aagot Oskarsdóttir og í ritnefnd VERU sitja nú Magdalena Schram, Sólrún Gísladóttir, Guðrún Erla Geirs-dóttir og Guðrún Olafsdóttir.

Miðvikudagskvöldin eru núna orðin löng og spennandi. Þau byrja kl. 19³⁰ með leikfimi í Kramhúsínu fyrir okkur eldri sem yngri, búsnar sem beinaberar, og að henni lokinni kl. 20⁴⁵ byrjum við svo borgarmálaráðsfund eða Útópiufund. Borgarmálaráðsfundirnir eru fyrsta og þriðja miðvikudag hvers mánaðar en Útópiufundirnir annan og fjórða. Hver veit nema þær Úthaldsbestu væti hverkarnar á nærliggjandi öldurhúsi eftir slíka fundi.

Og það er fleira á döfinni. VERA ætlar á næstunni að gangast fyrir námskeiði í blaðaskrifum og útliti blaða. Þið sem hafið áhuga á að vera með þurfið að skrá ykkur kl. 14-18 á mánudögum eða þriðjudögum í síma 21500. Þar fáið þið líka allar nánari upplýsingar um stað, tíma o.fl. Drífið í þessu áður en þið verðið of seinar!

Fyrst við erum að tala um VERU þá er rétt að segja frá því að verkfallið setti nokkurt strik í útgáfuna. Septemberblaðið er nýkomið til áskrifendaog enn eignum við eftir að gefa út tvö tbl. til að standa við skuldbindingar okkar gagnvart áskrifendum á þessu ári. Því eru uppi hugmyndir um að gefa út tvöfalt blað í byrjun desember sem yrði þá 5-6 tbl. 1984.

Munið að temahópar VERU eru öllum opnir svo hafið endilega samband við ritnefnd eða starfsmann ritnefndar (Sonja sími 22188) ef þið viljið vera með. Næstu tvö temu eru "Konur skrifa" og "Unglingsstúlku".

Og nú er það rúsínan í pylsuendanum! Hressar konur eru að ráðgera "Tangóball" á Hótel Borg seinnipart mánaðarins. Ballið verður nánar auglýst síðar.

Kær kveðja,
f.h. framkvæmdanefndar.
Gerla starfsmaður.